

Guia
Escolar

2025-2026



YOUR FUTURE STARTS HERE.

Un prome saludo.

Aruba, 1 augustus 2025.

Apreciable Mayornan,

Despues di un cordial saludo nos ta habri aña escolar 2025-2026 yen di alegria y energia.

Meta di e guia escolar aki ta pa informa mayornan con nos scol ta funciona den tur su aspectonan.

Nos a trata di pone tur e informacion cu nos ta dispone di dje na un forma mas completo cu ta posibel, sinembargo nos ta sigur cu mayornan por duna nan aporte na e guia aki cu sugerencia, comentario y coreccionnan valioso.

Ta nos tarea pa educa boso yiunan den un ambiente di famia, respet, cariño, confiansa y amor.

Pa logra esaki nos mester di boso ayudo.

Mustra e muchanan cu boso tin interes den nan estudio. Puntra nan con a bai na scol y kico nan ta siñando. Scucha e aventuranan cu nan ta pasa na scol, puntra nan si scol a manda carta pa mayornan.

Asisti na e anochinan informativo, busca e rapport y puntra e maestro di klas riba e progreso di boso yiunan.

Esakinan ta algun di e formanan pa mustra e muchanan cu boso tin interes den nan estudio.

Boso yiunan lo tin asina mas estimulo pa bai dilanti y logra locual boso ta desea pa nan.

Mayornan, duna e guia escolar aki un lugar special den boso hogar y referi na e guia aki henter aña.

Atentamente,

Randy Arends.

Cabesante.

Introduccion.

St. Paulus School ta un scol catolico pa enseñansa basico y ta resorta bou di Stichting Katholiek Onderwijs Aruba (SKOA).

E scol ta conta e aña aki cu 9 klas pa lesnan regular y tin mas o menos 195 alumno.

Vision.

Nos enseñansa ta dirigi riba e mucha unda e por desaroya su mes riba su propio nivel cognitivo y creativo y funciona como un bon miembro di nos comunidad. Nos team di maestro, a base di nos conocimiento, experiencia y specialidadnan, den un ambiente saludabel y sigur, ta guia nos alumnonan den nan desaroyo.

Mision.

Nos ta un scol basico Catolico pa mucha di 6 pa 12 aña y ta cay bow direccion di SKOA (Stichting Katholiek Onderwijs Aruba).

Balornan.

Catolisismo, respet, confianza, responsabilidad y cariño ta balornan cu nos scol ta pone como prioridad pa formacion di e mucha como miembro di comunidad Arubano.

Asuntonan general di scol.**Personal di St. Paulus School.**

Klas 1A.	Juf. Vivienne Gomez-Rivadeneira
Klas 2A.	Juf. Bea Dorothal-Larez
Klas 3A.	Juf. Shaylee Loopstok
Klas 3B.	Juf. Cornelia Dongen-d'Aguiar
Klas 4A.	Juf. Rocalia Lampe
Klas 5A.	Juf. Giselle Angela
Klas 5B.	Juf. Jane Wever-Maduro
Klas 6A.	Men. Eltienne Yarzagaray
Klas 6B.	Juf. Alice Gerard

Maestro di gym y gezondheidseducatie:	Men. Brian Lopes
Maestro di Spaans:	Juf. Elisabeth Maduro
Kunsteducatie:	Juf. Maroeschka Cornelia
Remedial Teacher:	Juf. Marcia Engelhardt (Cabesante Suplente)
Guia interno:	Juf. Liesje Tromp
Cabesante:	Men. Randy Arends

Personanan encarga cu limpieza di scol: Sra. Mayra Engelhardt y Sra. Amira Solognier

Orario di scol.

- Porta di scol mainta ta wordo habri pa 7.15 am. Scol ta cuminsa tur dia 7.45 di mainta. Pa e mucha ta cla pa les nos ta pidi mayornan pa e mucha ta na scol 7.30 am.
Pa seguridad e porta di scol ta wordo sera na lock. Si pa un of otro motibo mayornan trece nan yiu laat, mester yama scol pa e porta wordo habri. Nos ta pidi mayornan pa tene bon cuenta cu e orario aki ya cu desviacion di esaki tin como consecuencia cu lo stroba les.
Nos ta suplica mayornan pa no pita, paso esaki ta stroba les. Tene pasenshi y warda te ora e porta wordo habri. No manda e muchanan pasa door di e hekwerk.
- Nos tin 1 momento di descanso (pauze), e alumnonan ta come den klas di 10.30 pa 10.40 di mainta y despues ta hunga p'afo di 10.40 pa 11.00 di mainta.
- Scol ta termina 1.03 di merdia.
Nos ta pidi mayornan pa bin busca nan yiunan mas pronto cu ta posibel despues di scol. Si e mucha ta wordo busca cu bus nos ta pidi mayornan pa regla esaki di tal manera cu e mucha ta wordo busca na tempo.
Tur merdia despues di scol tin maestronan encarga pa yuda muchanan crusa caminda. E muchanan cu tin cu crusa caminda tin cu warda e maestro yega pa por crusa na e zebrapad dilanti scol. Nos ta pidi mayornan pa respeta e maestronan cu ta na encargo di esaki. E maestronan ta hasi esaki voluntariamente na bienestar di e seguridad di e muchanan.
Nos ta pidi mayornan tambe pa no parkeer auto riba e zebrapad y respeta reglanan di trafico.

Yegamento laat.

- Muchanan cu yega laat pa di 3 biaha sin notificacion di mayor mester presenta serca cabesante.
Nan lo haya un carta di aviso cu mayor mester firma y manda bek.
Muchanan cu yega laat pa di 6 biaha sin notificacion di mayor mester presenta serca cabesante.
Nan lo haya un segundo carta di aviso cu mayor mester firma y presenta cu esaki na un reunion hunto cu e maestro, Guia Interno y cabesante.
- Muchanan cu yega laat pa di 10 biaha sin notificacion di mayor mester presenta serca cabesante.
Nan lo haya un tercer carta di aviso cu mayor mester firma y manda bek. Cabesante lo informa SKOA, e Schoolmaatschppelijk Werker y Bureau Leerplicht di esaki.

Ausentismo.

Si un alumno falta scol pa cualquier motibo un mayor of persona adulto mester notifica scol:

- sea personalmente,
- of mediante un yamada telefonico,
- of un carta ora e alumno presenta na scol atrobe.

No ta acepta jamada di telefon hasi door di mucha of carta scirbi door di un mucha. Tene cuenta si cu scol no tin personal administrativo of secretaria pa atende e telefon constantemente.

Si mayor no cumpli cu e regla aki e ausencia lo wordo nota como un ausencia no-hustifica.

- Muchanan cu ta ausente 3 biaha den forma no-hustifica lo haya carta di aviso cu mayor mester firma y manda bek.
- Muchanan cu ta ausente 6 biaha den forma no-hustifica lo haya un segundo carta di aviso cu mayor mester firma y presenta cu esaki na un reunion hunto cu e maestro, Guia Interno y cabesante.
- Muchanan cu ta ausente 10 biaha den forma no-hustifica mester presenta serca cabesante y nan lo haya un tercer carta di aviso cu mayor mester firma y manda bek. Cabesante lo informa SKOA, e Schoolmaatschppelijk Werker y Bureau Leerplicht di esaki.

Alumnonan, cu ta sufri di un of otro malesa of tin incapacidad pa presenta na scol di duracion largo, nan mayor mester tuma contacto mesora cu scol pa e alumno por sigui haya tareanan pa hasi na cas.

E alumno cu falta scol pa 3 siman consecutivo sin aviso ta ser kita for di scol automaticamente y mayornan lo mester bai SKOA pa cuminsa e proceso di inscripcion di nobo.

Ley di enseñansa obligatorio.

E ley di enseñansa obligatorio (Leerplicht) a keda introduci dia 1 di December 2012.

Tur informacion ta obtenibel na <https://www.ea.aw/pages/leerplicht/>.

Nos ta conseha mayornan pa lesa e documentacion aki hopi bon y tene cuenta cu esaki.

Mayornan cu ta desea di haya un formulario di dispensacion di Leerplicht mester hasi e peticion di antemano serca cabesante di scol. Nos ta conseha mayornan pa lesa e documentacion riba e peticion pa dispensacion hopi bon.

Por haya e formulario via e link aki:

<https://www.stpaulusschool.org/wp-content/uploads/2021/04/Formulario-di-peticion-Papiamento-2021.pdf>

Mayornan cu tin cuenta di schoolgeld y of aircogeld habri **no ta bin na remarke** pa haya dispensacion.

Uniform.

Bistimento di uniform na nos scol ta obligatorio.

E uniform (tur ta obtenibel na IMPEX) ta consisti di:

- Polo-shirt blanco cu emblema di scol
- Carson/jeans of short Bermuda color blauw. No ta permiti scheur, buraco of otro color.
No ta permiti pa tin diseño y/of palabranan sea di fabrica of scirbi na man riba e carson/jeans of Bermuda short.
Ta bisti e carson te na cintura y no ta lag'e colga pa muestra jockey of boxer.
No ta permiti saya, saya-short of braga (tuinpak).
- Na pia ta bisti keds of sapato sera cu mea. No ta permiti balletschoentjes, sandalia sin mea of 'croc's'.
- Sweater blauw cu logo di scol.

Pa gym tambe e uniform di gym ta obligatorio.

E uniform di gym ta consisti di un:

- t-shirt shinishi cu e logo di scol,
- short blauw-scur cu e logo di scol.

Riba e dia cu e alumno tin les di gym e ta bin scol bisti cu e uniform di gym. Despues di gym ta cambia paña y bisti uniform normal.

E alumnonan di klas 3 ta haya zwemles. Nan tambe ta bin cu e paña di gym bisti caba y despues di zwemles nan lo bisti esaki bek. Prome cu nan bay zwemles nan ta cambia nan keds y bisti sandalia of slof.

E polo-shirt, e t-shirt y short di gym y e sweater ta obtenibel solamente na Impex y St. Paulus School ta usa solamente e compania aki pa asuntonan di uniform.

Contribucion (Ouderbijdrage).

Pa aña escolar 2025-2026 SKOA a stipula e contribucion di mayor na afl. 275,00. Esaki mester wordo paga riba cuenta di SKOA na Aruba Bank number di cuenta 6005292.

Nos ta pidi mayor pa manda scol e comprobante di pago pa asina nos por registra esaki. Sin e comprobante di pago scol no por haya e afl. 65,00 cu nos ta usa pa organisa actividad pa e muchanan.

Mayornan cu no por cumpli cu e obligacion aki segun e exigencia di SKOA por hasi un areglo di pago na oficina di SKOA. E ouderbijdrage mester ta completamente paga na comienzo di cada aña escolar.

Pa TUR alumno tin tambe un suma di afl. 150,00 di airco-geld cu mester wordo paga riba cuenta di St. Paulus School na Aruba Bank number di cuenta 2613330190.

Mayornan cu inscribi nan yiu(nan) na St. Paulus School ta bay di acuerdo cu e reglanan y palabracionnan di scol.

Pago di airco-geld ta un obligacion cu mayor ta bay di acuerdo cu ne.

Mayornan por hasi un areglo di pago pa airco geld na scol. E airco geld mester ta completamente paga na comienzo di cada aña escolar.

Actividadnan.

Nos scol ta participa na diferente celebracionnan durante aña, e.o. Pasco di nacemento, Carnaval, Pasco di resurreccion, Dia di Himno y Bandera, sport- y buitendagen, intercambio cu otro scolnan, etc.

Prome Santa Comunion.

Alumnonan di klas 3 lo hasi nan Prome Santa Comunion den luna di mei. E fecha exacto nos ta haya di Pastoor mas durante aña. Alumnonan di klasnan 4-5-6 cu no a hasi nan Prome Santa Comunion den klas 3 tin e oportunidad pa hasi esaki hunto cu e alumnonan di klas 3. Mayornan mester tuma contacto si cu e maestra encarga cu esaki. E suma cu mayornan mester paga pa cubri e gastonan di Prome Santa Comunion lo wordo anuncia na mayornan durante e prome reunion tocante e topico aki. Esaki lo mester wordo paga na su debido tempo.

Contacto entre scol y mayor.

Pa scol tin un bon contacto cu mayornan ta esencial pa scol tin informacion di mayornan cu ta corecto y recien. Numbernan di telefon y adres di cas y trabou ta sumamente importante pa ta “up to date”. Asina cu bin un cambio den e numbernan di telefon of di adres di cas of trabou ta responsabilidad di mayornan pa avisa scol di e cambionan aki. Den casonan di emergencia esaki ta vital.

Na cuminsamento di aña escolar nos ta organisa un reunion informativo unda cada maestro ta duna informacion di e programa escolar di aña.

Mayornan cu ta desea di dialoga cu maestronan por manda un email pa traha un cita.

Regularmente nos ta tene contacto cu mayornan pa medio di cartanan cu informacion cu e alumnonan ta haya pa hiba cas.

Nos ta manda carta tambe via SAS y Mi Futuro. Nos ta conseha mayornan instala e app pa haya cartanan den forma digital.

Mayornan tambe tin opcion di usa nos website www.stpaulusschool.org. Eynan nos tin un chatbot cu por yuda mayornan haya informacion. Tambe nos ta publica noticia riba Facebook y Instagram.

Entrega di rapport.

E aña escolar 2025-2026 nos lo entrega e rapport riba e siguiente fechanan:

Rapport 1: 2 december 2025.

Rapport 2: 31 maart 2026.

Rapport 3: 14 juli 2026.

Mayornan ta haya un invitacion pa bin busca rapport 1 y 2 na scol. E orario pa e entrega di rapport ta 5.00-7.00pm. E ta a base di ‘first come first serve’. Pues mester tene pasenshi.

Alumnonan cu ricibi un raport 3 insuficiente lo haya un invitacion personal pa asisti na scol riba invitacion di maestro di klas. E muchanan ta haya e rapport 3 pa hiba cas.

Nutricion.

Recomendacionnan di docter y dietista di Jeugd Gezondheids Zorg (JGZ) tin como punto di salida cu un nutricion sano, especialmente un bon desayuno, ta base pa un bon estudio. Nos ta urgi mayornan pa aplica esakinan tambe na cas.

Tienda di scol.

Na scol tin posibilidad pa cumpra juice, fruit bars, corn flakes y otro snack chiquito, pero nos ta pidi mayornan pa hasi uso di e posibilidad aki solamente ora ta necesario.

Declaracion cu un alumno ta inscribi na scol (schoolverklaring).

TUR peticion di mayor pa un declaracion cu e mucha ta inscribi na scol (schoolverklaring) mester wordo pidi na oficina di SKOA. Tambe por manda un WhatsApp na 7485995 of manda un email na aplicacion@skoa.aw

Solamente e fomulario di ‘bijstand’ ta wordo entrega na scol.

Objetnan di balor.

Scol na ningun forma lo para responsabel pa perdida of ladronisia di placa, joya of prendanan di balor.

P'esey nos ta pidi mayornan pa no laga e muchanan bini scol cu placa innesario, renchi, cadena, holoshi of otro articulonan di balor financiero of balor sentimental.

Mescos ta conta pa articulonan manera tur tipo i-pod, i-pad, weganan electronico, etc.

Cellular.

No ta permiti usa telefon celular na scol. Telefon celular a trese e siguiente problemanan den scol:

- Muchanan ta constantemente bezig cu e aparato y no ta pone atencion na e lesnan.
- Muchanan ta gaña bai w.c. pa sinta papia na telefon.
- Henter dia e aparato ta saca tur sorto di zonido strobando e concentracion den klas.
- Muchanan ta haya jamadan durante les na scol, hasta di nan mes mayor.
- Muchanan ta 'kijk af' haciendo uso di e celular.
- Mensahenan cu temanan menos bunita, mensahenan di menasa, insulto y discriminacion ta wordo manda durante ora di scol.
- Ladronisia di telefon celular a bira topico di dia na scol.
- Ta saca portret di otro mucha den baño.
- Pelicula y portret pornografico ta wordo mira via di e celular.

Pa e motibonan aki ta actua severo contra e uso/maluso/abuso di e aparatonan aki na scol y tur maestro di St. Paulus School tin e instruccion pa intercepta y kita tur aparato celular cu aparece riba tereno di scol y entrega esaki na e cabesante.

E dia siguiente mayornan por busca e aparato bek serca e cabesante y e alumno lo haya un carta di aviso cu lo bai den su file como un infraccion di regla di scol.

Oloshi 'smart'.

No ta permiti usa oloshinan 'smart' na scol.

- Muchanan ta constantemente bezig cu e aparato y no ta pone atencion na e lesnan.
- Henter dia e aparato ta saca tur sorto di zonido strobando e concentracion den klas.
- Ta saca portret di otro mucha den baño.
- Muchanan ta 'kijk af' haciendo uso di e oloshi

Comportacion.

Respet pa otro y pa reglanan di scol ta hopi importante. Pa garantiza seguridad di tur alumno na scol lo no tolera ningun tipo di abuso y/of maltrato entre alumnonan.

Tur caso di bringamento na scol lo tin como consecuencia suspencion (schorsing) di e alumno(nan) concerni.

Tur caso unda cu bida di un alumno por wordo poni den peliger, p.e. tur 'arma' of 'vuurwerk' lo tin como consecuencia suspencion (schorsing) di e alumno(nan) concerni. Dependiendo di e grado di e infraccion lo suspende (schors) un alumno 1, 2 of 3 dia.

Por ultimo lo suspende un alumno pa tempo indefini, mayornan mester acudi na SKOA y scol lo pidi pa retiro di e alumno en cuestion.

Uso di media social.

Ta spera di alumnonan y nan mayornan cu nan ta comporta y expresa nan mes riba e diferente medionan social na un manera responsabel, respetuoso, netchi y cu fatsoen pa cu otro alumnonan, maestronan, personal, director y directiva di SKOA.

Ta spera di alumnonan y nan mayornan cu nan no ta trese of purba trese maldad, inconveniencia, molester, incomodidad na un otro of instiga pa medio di publicacionnan negativo, portretnan obseno, redashi, discriminacion of otro actonan ilicito of criminal riba medionan social.

Ta spera di alumnonan y nan mayornan cu nan no ta publica nan diferencia di opinion contra otro alumnonan, maestronan, personal, director y directiva di SKOA riba medionan social.

Ta spera di alumnonan y nan mayornan cu nan no ta publica informacion personal y confidencial contra otro

alumnonan, maestronan, personal, director y directiva di SKOA riba medionan social.

Como sancion riba comportacion y expressionnan ariba menciona por tin como consecuencia aviso, suspencion y retiro di e alumno.

Treat ora di cumpleaños.

Alumnonan cu hasi aña mag di treat algo simpel na e muchanan di e klas. E no ta algo obligatorio. Si e mucha kier treat bolo e por parti cup cake. No manda un bolo henter pa e maestro di klas parti esaki. Tampoco ta permiti pa organisa fiesta den klas durante ora di scol. Ora ta treat mangel of lollipop, percura pa e no tin bals ya cu esaki ta prohibi. Un treat saludabel ta miho ainda.

Bebemento di pildo of remedi na scol.

Alumnonan cu pa motibonan medico mester bebe pildo of remedi na scol y cu inevitablemente mester wordo tuma durante orario di scol mester trese un carta di mayor cu ta indica e nomber di e remedi y e cantidad cu mester wordo bebi. Sin esaki nos no por permiti pa alumnonan bebe pildo of remedi na scol.

Malesanan contagioso y pieu.

Alumnonan cu presenta na scol cu un malesa contagioso, manera dengue, bruela, cacheton, sarampi, ringworm, etc lo wordo manda cas bek. Mayornan mester bay dokter pa e mucha ricibi tratamento y e mucha mag di dreña klas bek presentando un carta di dokter indicando cu e no ta contagioso mas.

Pieuw tambe ta conta como un malesa contagioso y mester haya tratamento mesora.

Salud di e alumno.

Si e mucha lanta malo mainta y e tin keintura, no mand'e scol. Keintura ta indicacion cu e mucha tin un infeccion y e no lo por concentra y sigui les. Un infeccion semper ta acompaña cu dolor. Tene e mucha cas y bay dokter cu'ne.

E alumno cu ta sinti su mes malo durante les mester avisa e maestro di su klas. Dependiendo di e gravedad cu e mucha ta indica scol lo avisa mayornan tocante esaki y si ta necesario lo pidi mayornan pa bin busca e mucha.

E mucha cu haya un herida of lesion durante ora di scol mester avisa e maestro cu ta na encargo di e klas mesora.

Dependiendo di e gravedad di e herida of lesion scol lo avisa mayornan tocante esaki y si ta necesario lo hiba e mucha Centro Medico San Nicolas of Eerste Hulp. Si ta necesario scol lo pidi mayornan pa bin busca e mucha eyan.

Avisonan di mal tempo.

Den casonan di un desaster natural of e condicion di tempo ta asina malo cu e por ta peligroso pa bo yiu bai scol, tene e mucha na cas y consulta e medionan di prensa pa e anuncio oficial. Por tuma contacto tambe cu scol pa haya mas informacion.

Fietsrek.

Muchanan cu ta bin scol cu bicicleta ta baha for di e bicicleta na entrada di scol y ta cana cu esaki na su man y pone den e fietsrek. Ora scol caba ta coi e bicicleta y cana bai cu esaki te p'afor di e tereno di scol. P'afor di cura e por subi su bicicleta.

Vakantie.

E calendario di vakantie y dianan ATV ta pega na e parti mas patras di e Guia Escolar aki.

Nos ta pidi mayornan pa no desvia di e dianan aki.

Asuntonan specifico relaciona cu les.

Materianan y metodonan escolar.

E siguiente materianan ta ser trata haciendo uso di e metodonan aki.

Hulandes klas 1 y 2
Matematica klas 1 y 2
Lesamento klas 1 y 2
Scirbimento klas 1 y 2

Taalsprong.
Conta cu mi.
Baile di letter.
Tribi scirbi.

Hulandes (taal)
Matematica (rekenen)
Scirbimento (schrijven)
Historia (geschiedenis)
Geografia (aardrijkskunde)
Conocemento di naturalesa (k.d.n.)
Spaño (Spaans) klas 5+6
Ingles (Engels) klas 6
Trafico (verkeer)

Taalactief 4.
Wereld in getallen
Pennenstreken
Wereldorientatie
Wereldorientatie
Wereldorientatie
Lesnan desaroya pa maestro
Lesnan desaroya pa maestro
Jong geleerd, jong gedaan y un methodo traha door di Directie Onderwijs.
Lesnan desaroya pa maestro
Lesnan desaroya pa maestro
Leefstijl.
Lesnan desaroya pa maestro
Lesnan desaroya pa maestro y leerorkest
Lesnan desaroya door di IKD.

Klas 3 ta haya zwemles obligatorio durante ora di educacion fisico cu ta wordo duna door di instructornan diploma bow guia di Directie Onderwijs. Solamente cu un carta di docter, cu ta duna un motibo valido, e alumno lo no mester participa na e lesnan aki.

- Tur buki ta wordo presta na e alumnonan y nan mester percura bon pa nan.
- Daño causa door di alumno na propiedad of material di scol mester wordo paga door di mayornan di e alumno.
- Adicional mayornan mester percura pa e mucha tin materialnan **henter aña**. E lista ta riba pagina 12.

Tarea pa cas.

Meta di e tarea pa cas ta pa fortifica conocimiento di loke e alumno a siña na scol door di practica na cas. Tambe e alumnonan ta prepara na cas pa un proefwerk door di siña e les en cuestion. Tur klas ta haya tarea pa cas casi tur dia. Nos ta urgi mayornan pa controla y firma e huiswerk di e mucha.

Agenda.

Desde klas 3 tur mucha mester tin un agenda. E agenda preferibelmente no mester ta un agenda caro. Un schoolagenda ta mas cu suficiente.

E huiswerk mester wordo scirbi regularmente (tur dia) den e agenda.

Mayor mester controla esaki tambe.

Pruebanan (test).

- Prueba pa bay scol secundario: Tur alumno di klas 6 tin cu hasi un prueba (doorstroomtoets) pa bai un scol secundario. A base di e resultado di e doorstroomstoets e mucha ta haya un conseho pa scol secundario. Mas informacion riba e topico aki mayornan lo haya na su debido tempo.
- Pruebanan AVI pa lesamento: Esakinan ta wordo tuma tres of mas biaha pa aña pa determina e nivel tecnico di lesamento di cada alumno.
- Pruebanan di matematica:
E 'tempo-toets' ta wordo tuma den tur klas dos biaha pa aña pa determina e nivel di liheresa pa cu matematica. Klasnan 1 te cu 6 ta participa tambe na e 'CITO-toets'. Esaki ta tuma luga 2 biaha pa aña den cierto klasnan. Esaki ta un prueba cu ta determina e nivel di nos scol en comparacion cu otro scolnan na Aruba y ta un prueba cu ta bini for di Hulanda, pero su texto ta wordo adapta na Aruba door di Directie Onderwijs.
- Examen di trafico (verkeersexamen).
E examen di trafico ta tuma lugar den luna di mei den klas 5.

Guia Interno (Interne Begeleider).

Nos scol ta forma parti di e scolnan na Aruba cu ta trahando cu e systema di guia interno (Interne Begeleider). E systema aki ta pa yuda engrandese e structura di cuido pa nos muchanan.

Remedial Teacher (begeleidingsleerkracht).

E Remedial Teacher ta encarga cu ayudo individual di alumno.

Esaki lo tuma lugar riba cierto aerea di concemento di materia di e alumno y cu aprobacion di mayornan.

E systema aki ta pa yuda engrandese e structura di cuido pa nos muchanan.

Cita cu cabesante.

Pa mayornan haya un cita pa un combersacion cu cabesante mester yama scol prome of manda un email pa hasi esaki.

Reglanan di St. Paulus School.

1. Mi ta yega tur dia na ora scol. Si mi yega scol laat pa di 3 biaha sin un notificacion di mi mayor mi mester presenta serca e cabesante.
2. Mi ta cumpli tur dia cu e tarea pa hasi na cas y mi mayornan ta controla mi agenda.
3. Mi ta percura pa mi buki y schriftnan ta semper den bon condicion. Pesey tambe mi tin un bon tas.
4. Mi ta bin scol pa siña y p'esey mi ta comporta mi mes nechi y trankilo den klas. Mi ta pone bon atencion y mi no ta stroba.
5. Mi no ta usa telefon celular no oloshi smart na scol.
6. Mi no ta trese ningun cos di hunga scol.
7. Den klas mi ta sinta riba stul y no riba mesa.
8. Mi ta un mucha cu bon manera, pues riba tereno di scol y den becindario mi no ta bringa of papia palabra malo.
9. Mi ta mantene mi scol limpi. Tur papel y cos sushi mi ta tira den bari di sushi.
10. Mainta mi ta drenta riba tereno di scol y ta sinta dilanti di mi klas. Mi no ta sinta riba e muraya di gang of riba e bakinan di mata. Tampoco mi ta sinta na e trapinan di entrada.
11. Mi no ta core riba gang y mi no ta hunga patras di e edificio di scol na unda e maestronan no por mira mi.
12. Mi no ta bandona tereno di scol sin permiso di cabesante o maestro.
13. Na scol mi no ta come bals; ni si mucha haci aña y parti esaki pa nos.
14. Semper mi ta bon bisti den mi uniform: carson blou scur, na pia keds o sapato cu mea.
15. Mucha muher no ta bin scol cu huña pinta of huña falso (acrylics), 'eye lash' falso y tampoco make-up riba cara. Mucha homber no ta permiti pa bisti renchi orea. Den klas nos ta kita petchi of otro articulo for di riba cabes y nos ta mantene nos cabeï netchi peña.
16. Piercing na wowo, orea of otro caminda visibel no ta permiti. Tampoco ta permiti tatuaje na lugarnan visibel.
17. Ora cu mi no bin scol ta pasobra mi ta malo di berdad. mi mayor ta yama avisa e mesun dia of mi ta trese un carta pa su mayan. Mi no ta yega scol sin aviso di mayor tocante mi ausencia.



Jim Blue Jacketstraat 2,
San Nicolas, Aruba.
Tel: 5845089/5847904
E-mail: stpaulusschool@skoa.aw
Website: www.stpaulusschool.org

Lista di materiaa cu mayor mester cumpra pa e alumno pa aña escolar 2024-2025.

Mayoman mester percura pa e mucha tin e siguiente materialnan henter aña:

Klas 1

Potlood
Kleurpotlood
Pen
Gum
Slijper (bari)
Sker chiquito punta rondo
Liniaal 20cm di plastic transparente
Etui

Klas 2

Potlood
Kleurpotlood
Pen
Gum
Slijper (bari)
Sker chiquito punta rondo
Liniaal 30cm di plastic transparente
Etui

Klas 3

Agenda
Potlood
Kleurpotlood
Pen blauw/cora/berde/preto
Text markers/highlighters
Viltstiften
Etui
Slijper
Sker
Gum
Liniaal 30cm
Kladblok

Klas 4, 5 y 6

Agenda
Potlood
Kleurpotlood
Pen blauw/cora/berde/preto
Text markers/highlighters
Viltstiften
Etui
Slijper
Sker
Gum
1 Ringmap (23 buraco)
Tabbladen
Liniaal 30cm
Kladblok
"Van Dale Basiswoordenboek Nederlands"

E potlood y kleurpotlood mester ta di bon calidad manera, Stabilo, Bruynzeel, Lyra, Steadler of Heutink Goldline)



Vakantierooster voor het schooljaar 2025 - 2026

Augustusvakantie <i>vr 1 augustus 2025</i>	t/m	<i>di 19 augustus 2025</i>	13 dagen
Oktobervakantie <i>ma 13 oktober 2025</i>	t/m	<i>vr 17 oktober 2025</i>	5 dagen
Kerstvakantie <i>ma 22 december 2025</i>	t/m	<i>di 6 januari 2026</i>	12 dagen
Herdenking G.F. Croes [Dia di Betico] <i>ma 26 januari 2026</i>			1 dag
Carnavalsvakantie <i>wo 11 februari 2026</i>	t/m	<i>ma 16 februari 2026</i>	4 dagen
Herdenking Vlag en Volkslied [Dia di Himno y Bandera] <i>wo 18 maart 2026</i>			1 dag
Paasvakantie <i>do 2 april 2026</i>	t/m	<i>vr 10 april 2026</i>	7 dagen
Koningsdag <i>ma 27 april 2026</i>			1 dag
Arbeidsdag <i>vr 1 mei 2026</i>			1 dag
Hemelvaartsvakantie <i>do 14 mei 2026</i>	t/m	<i>vr 15 mei 2026</i>	2 dagen
Julivakantie <i>wo 15 juli 2026</i>	t/m	<i>vr 31 juli 2026</i>	13 dagen
Totaal			60 dagen

ATV dagen Onderwijspersoneel

ATV dagen Onderwijspersoneel kalenderjaar 2025 (goedgekeurd in augustus 2023)	
<i>ma 24 februari 2025</i>	1 dag
<i>ma 17 maart 2025</i>	1 dag
<i>vr 2 mei 2025</i>	1 dag
ATV dagen Onderwijspersoneel kalenderjaar 2026	
<i>ma 9 februari 2026</i>	1 dag
<i>di 10 februari 2026</i>	1 dag
<i>vr 9 oktober 2026</i>	1 dag

19 NOV 2024

Datum

Minister van Onderwijs en Sport